



XXIV CERTAME DE CREACIÓN ARTÍSTICA/LLITERARIA EN LLINGUA ASTURIANA / GALLEGO- ASTURIANU

(P'alumnáu d'Educación Infantil, Primaria, Secundaria,
Formación Profesional y Bachilleratu)

XL Selmana de les Lletres Asturianes

Por cuenta de la celebración de la "XL Selmana de les Lletres Asturianes" nel mes de mayu del 2019, la Consejería d'Educación y Cultura del Principáu d'Asturies convoca'l XXIV CERTAME DE CREACIÓN ARTÍSTICA/LLITERARIA pa escolinos y escolines d'Educación Infantil y Primaria, y alumnos y alumnes d'Educación Secundaria, Formación Profesional y Bachilleratu d'alcuertu con estes bases:

PRIMERA.- Pue participar tol alumnáu de 3, 4 y 5 años d'Educación Infantil a 2.^u Cursu de Bachilleratu y Formación Profesional.

SEGUNDA.-

- Los escolinos y escolines d'Educación Infantil de 3, 4 y 5 años han participar con un **dibuxu** rellacionáu con esti fragmentu del cantar

Ye'l cámbaru skamáu

Que siempre va de llau.

Ye'l cámbaru skamáu.

Siempre folixeru, siempre coloráu.

- Los escolinos y escolines d'Educación Primaria han escribir un microrrellatu d'un llargor máximu de 200 palabres y temática inspirada nesti fragmentu del cantar *Una de mieu*, del grupu Xentiquina.

Esnala que t'esnala
va un esperteyu,
salió de la ventana
d'aquel castiellu.

¡Ai qué mieu!

¡Vaya mieu!...

Los microrrelatos puen llevar una ilustración.

- Los alumnos y alumnes d'ESO/Bachilleratu/Formación Profesional han participar con un microrrelatu d'un llargor máximu de 200 palabres y temática inspirada nesti fragmentu del microrrelatu *Ella*, de Marián García:

“Dende onde toi vese la mar, les foles danciando la so música al son que toque'l padre océanu”

Los microrrelatos puen llevar una ilustración.

TERCERA.- Tolos trabayos presentaos han tar escritos en llingua asturiana o en gallego-asturianu y tienen que ser inéditos. Los trabayos presentaos pol alumnáu de FP Básica I van integrase na categoría de 2.^u d'ESO; los trabayos presentaos pol alumnáu de FP Básica II van integrase na categoría de 3.^u d'ESO; y los trabayos presentaos pol alumnáu de FP van integrase na categoría de 2.^u de Bachilleratu.

CUARTA.- Van dase trés premios por caún de los cursos establecíos pa los trabayos de creación artística/lliteraria.

Na categoría de 3, 4 y 5 años d'Educación Infantil va haber trés premios por cursu pa los trabayos de creación artística.

Nes categoríes d'Educación Primaria, Secundaria y Bachilleratu va haber trés premios por caún de los cursos establecíos y en caúna de les llingües: de primer a sestu cursu d'Educación Primaria; de primer a quartu cursu d'ESO; y pa primer y segundu cursu de Bachilleratu. Va facese mención especial a los centros de los alumnos y alumnes ganadores del Certame con un diploma acreitativu.

QUINTA.- El Xuráu va tar formáu por persones averaes al mundu de la escritura, les artes plástiques y la educación.

SESTA.- Los trabayos puen presentase, pol autor o autora o pol centru educativu, a:

Serviciu de Planificación Llingüística y Normalización
Consejería d'Educación y Cultura del Principáu d'Asturies
C/ Eduardo Herrera, "Herrerita", e/n, 3.^{er} planta
33006 Uviéu

hasta les 20:00 hores del **xueves, 21 de marzu del 2019**, nun sobre zarráu onde ha ponese: XXIV CERTAME DE CREACIÓN ARTÍSTICA/LLITERARIA. Nel sobre han metese los dibuxos o los microrrelatos, qu'han llevar escrito per detrás el TÍTULO, CURSU, CENTRU y NOME del autor o autora.

SÉPTIMA.- El fallu del Xuráu va facese públicu nel mes d'abril del 2019. Los premios del Certame van dase nun actu entamáu pola Consejería d'Educación y Cultura nel homenaxe escolar al **Día de les Lletres Asturianas**.

OCTAVA.- La participación nel Certame supón tar d'alcuierdu coles bases establecías. Al fallu del Xuráu nun se pue retrucar.

PA MÁS INFORMACIÓN: Tfnu. 985.10.19.15